

四庫全書存目叢書編纂委員會編

齊魯書社

四庫全書存目叢書

史部
第二五〇冊

責任編輯：孫言誠 賀 偉

ISBN 7-5333-0535-3



2B85/01

四庫全書存目叢書·史部二五〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 55.5 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二五〇冊目次

史部·地理類

蜀都碎事四卷藝文補遺二卷

〔清〕陳祥裔撰
中國科學院圖書館藏清康熙漱雪軒刻本

一

嶺海見聞四卷

〔清〕錢以壇撰
上海圖書館藏清康熙刻本

一九九

南漳子二卷

〔清〕孫之騷撰
浙江圖書館藏清刻晴川八識本

二八一

古今游名山記十七卷總錄三卷附游名山記一卷

〔明〕何鏜輯 附 何鏜撰
中央民族大學圖書館藏明嘉靖刻本

二九三

蜀都碎事四卷藝文補遺二卷

〔清〕陳祥裔撰

中國科學院圖書館藏清康熙漱雪軒

刻本

附《四庫全書總目·蜀都碎事

六卷》提要

蜀都碎事序

自地皇氏畫分疆宇而後
夏商周列爲九州秦并天
下又區爲三十六郡唐更
十道宋元以末各以諸路
名之其間山川城郭人物
變遷之事繁矣正史括地
統志輿圖而外往往家自
爲書人自爲記以補見聞
所不逮如金陵遺事武陵

蜀都碎事序

舊事諸書皆搜討者所必
及然或未經親歷得之流
傳則訛僞相承其不見誚
于耳食幾希矣吾友 耦
漁先生弘博才也通守錦

新都雜事 序

官幾歷年所簿領之暇据
拾羣書廣諮故老上溯蠡
叢魚鳧下及歷代凡可以
備輜軒供考證者靡不悉
載蔚成一編以繼蜀檮杌

之後嗚呼可謂勤矣昔崔
祖濬向羊腸阪而知有二
蕭子良登秦望山范雲預
覓碑處諳其句讀及期畧
皆上口卒爲上賓苟非平

新都雜事 序

時探索功深臨事詎于粹
對耶予性耽披閱苦卷帙
缺畧且慕虎牙熊耳白帝
青城之勝未能裹糧一游
今得 耦漁先生是集不

啻置身杜陵老花慈夫人
吟嘯處也其卽水經山海
之書與抑卽識商羊之尼
父辨臺駘之國僑識俞兒
之敬仲知垂龍之壯武也
與予不敏敢先乞副草以
作臥遊之一助

康熙辛巳秋初湖上同學
小弟蘇輪拜繫



蜀都碎事叙

巴蜀之地民殷國富西南
一大都會也而自古迄今
有以功業特傳有以隕越
遺誦者何哉莊子曰六合
之內聖人論而不議非不
議也寓議于論有不見也
故山海經水經旣申禹貢
而郭璞酈道元闕駟梁載
言樂史王存歐陽忞祝穆

陳循蕭德言諸子猶必分
其綜括其事各以其書鳴
其于天人之際星紀從忒
沿革廢興風土人物靡不
言之周晰凡欲幼學壯行

新鄭縣志序

者察地利辨人情爲致君
澤民具耳若夫巴蜀陸有
蠶崖劒門棧閣金雞之險
三巴三峽益以青衣羊山
馬湖衆水滙流石橫蠹當

隘激狂瀾若雷舟上下失
勢而氏獠黎熒六詔之地
偏處西南旨哉孔明隆中
之對也一日險塞再曰巖
阻使非才智養于居恆忠
勇奮于旦夕鮮克勝任此
張唐英所以有蜀檣杌之
作乎宋之去今又五百餘
載時移物換因革良多懷
瑾握瑜之士有志撻輯輒

新鄭縣志序

以未得涉歷爲恨 耦漁

先生博聞強識素抱奇才

一揮出守適贊治于益州

公餘凭眺遇昔賢橫戈躍

馬之場誓水盟神之地必

蜀都雜事 序

四

有紀述間于美景良辰花

朝月夕登籌邊樓俯江山

佳麗坐桃笙斟鄩筒酒陳

設濤箋盈几文以記之詩

以詠之亦時爲長短句以

發其攬轡澄清之志奚囊

凡幾諸體畢備庚辰之歲

以凝香詞集先登梨棗一

時紙貴第蜀都碎事一書

所載軼事如昔有今無中

蜀都雜事 序

五

廢後舉者或得之見聞或

參之載籍考證精確典雅

弘深誠寓經術于游藝中

補檮杌之未逮不徒以文

章自鳴等之於于蓋衆者

也是宜急公海宇備

皇輿之採擇傳之不朽而

予更有進焉 先生年方

強壯賤書詞訟聽受應酬

五官竝用悉皆瞻舉卽劉

僕射當日要亦無逾于此

今守桐汭彼州人士望若

神君不次之擢無慮指顧

異日嘉謨嘉猷炳垂史冊

其足爲世準則者必能倍

野都神事序

六

徙于是書請以斯言券

皆

大清康熙四十年歲次辛

巳仲冬上浣年家晚生

古杭聶鼎元頓首拜題

于桐汭官署之一梅亭

野都神事序

七



蜀都碎事 卷之一

官隱子

四川禹貢梁州之域自蠶叢魚鳥而

者千有餘載至苴蜀相攻秦救苴滅蜀及巴而

郡縣之漢曰廣漢武帝始置益州部唐初置劍

南道爲西川後增置東川府于梓州于是稱兩

川焉

成都府古蜀國秦曰蜀郡漢曰廣漢曰益州蜀漢

都此晉曰成都曰錦城唐曰劍南曰南京曰西

蜀都碎事 卷一

川明爲成都府龍安府秦氏羌地也漢曰陰平

後魏曰江油隋曰平武唐曰龍門宋曰龍州明

爲龍州宣撫司今改爲龍安府順慶府雍州地

春秋戰國爲巴子國秦漢屬巴郡漢宋曰安漢

劉宋曰宕渠隋曰巴西唐曰南充曰果州宋曰

順慶曰寶慶元曰東川明曰順慶府今因之保

寧古葭萌地按葭萌苴侯名蜀侯弟也春秋巴

國地漢曰巴西晉曰閬中梁曰南梁西魏曰隆

州唐曰保寧軍宋曰閬州曰安德元曰保寧明

曰保寧府重慶卽周之巴子國秦置巴郡漢曰

江州漢末曰永寧梁曰楚州隋曰渝州唐曰南

平宋曰重慶明亦曰重慶夔州府周之魚腹國

也春秋爲夔子國秦屬巴郡漢曰永寧曰巴東

蜀漢曰固陵梁曰信州唐曰雲安曰夔州國朝

因明之夔州府叙州府古夔國漢犍爲郡梁隋

曰戎州唐曰南溪宋曰叙州明曰叙州府馬湖

古夔侯國夷獠所居漢武通西南夷始置郡縣

曰犍爲曰牂牁唐曰馬湖至今仍之遵義漢夜

蜀都碎事 卷一

耶且蘭地屬牂牁郡唐曰耶州曰播州後沿于

南詔太原人楊端收復之遂世其土爲安撫司

元爲宣撫司萬曆二十六年楊應龍反平之改

遵義府潼川漢曰郪曰廣漢蜀漢曰梓潼晉曰

新都梁曰新州西魏曰昌城隋曰梓州唐曰東

川宋明曰潼川瀘州東漢曰江陽梁曰瀘州隋

唐宋曰瀘川明又改爲瀘州嘉定秦蜀郡地漢

屬犍爲郡曰漢嘉隋曰眉山唐宋曰嘉州明曰

嘉定州邛州周職方屬雍秦曰臨邛梁曰邛州

西魏曰蒲原明仍曰邛州眉州漢蜀犍爲西魏曰眉州梁曰青州曰齊通隋曰眉山曰通義宋曰眉州雅州秦漢曰嚴道屬蜀郡西魏曰梁山隋曰臨邛唐宋明曰雅州蜀都之經界畧見于此矣

川者穿也水穿地中故曰川岷江一水也蘆一水也雒一水也滄一水也蜀江之水非一而岷蘆雒巴爲四大川也四川之名所繇昉與一曰宋南渡後始分益利夔梓爲四路故曰四川說文

蜀都雜事 卷一

三

桂太傅萼曰四川地饒而險阨備劍閣表雲棧之固瞿塘鎖巴峽之流但松潘孤城介在西北番域而寄咽喉于龍州千里轉運慮爲憂阨烏撒芒部諸夷內相結黨數起兵彙且于叙瀘有唇齒之重皆隱禍也建昌六衛屬行都司偏處西南自爲奧區保順衝疲民朴務簡馬湖僻小民憂相安非所憂矣

周末殺萇弘于蜀血碧色入地化爲碧玉數里內土皆青色故蜀有青泥坊杜工部詩云煮飯青

泥坊裏芹卽此

張儀築大城屢頽忽有大龜出于江儀以問巫巫曰隨龜築之功效就故人稱龜城今有龜化橋又有小城在子城西南之三壁東卽大城之西牆張儀旣築大城後一年又築小城樓曰白兔樓摩訶池在成都府西隋蜀王秀取土築廣子城因爲池有胡僧見之曰摩訶宮毘羅蓋梵語呼摩訶爲大宮毘羅爲龍謂此池廣大有龍耳方輿勝覽摩訶池一名汗池陳人蕭摩訶所開也

蜀都雜事 卷一

四

王建武成元年改摩訶池爲龍躍池蜀機

建將薨兩月摩訶池有鷄鵒來集衍卽位仍改龍

躍池爲宣化池王氏開國記

摩訶池在王蜀宮中舊時泛舟入此池曲折十餘里至宋世蜀宮後門已爲平陸然猶呼爲水門也渭南集

蜀主孟昶夜起避暑摩訶池詞云水肌玉骨清無汗水殿風來暗香滿繡簾一點月窺人欹枕欒橫雲鬢亂起來瓊戶啓無聲時見疎星渡河

漢屈指西風幾時來只恐流年暗中換

按此池填爲蜀藩正殿西南尙有一曲水光
漣漪隔岸林木蒼翳遊者寄古思焉今改爲
貢院

蜀王衍常褰小巾其尖如錐宮女多衣道服簪蓮
花冠施胭脂夾臉號醉粧

北夢瑣言

蜀王衍醉粧詞者邊走那邊走只是尋花柳那
邊走者邊走莫厭金杯酒

九葉芸香艸出黎州嬪人結爲繩以辨髮香經月

蜀都雜事

卷一

五

不歇亦南楚零陵香之類也

螢火大如蛺蝶足多而色黑背有甲物觸之則卷
曲如蛸尾後火光雙出子初見之以爲異物詢
之土人乃知其爲螢火也

昇仙橋在成都府北門外魚鳧王張伯子俱乘虎
仙去橋因以名司馬相如東遊題其柱曰不乘
駟馬車不復過此橋今橋邊勒石曰駟馬橋

支機石卽海客携來自天河所得織女命問嚴君
平者太尉燉煌公好奇尙異命工人鐫取支機

一片欲爲器用椎琢之際忽若風脅墜于石側

如此者三公知其靈物乃已之至今所刻之跡

猶存石在蜀之西南隅石牛寺之側出土而立

高可尺餘色微紫近土有一窩似機足所支處

上鐫支機石三字篆文似隸而道媚有致似唐

人書跡原在嚴真舊址今入民家菜園中旁有

石碣曰嚴君平賣卜處

龍鏡潭在廣安州水圓如鏡宋刻龍鏡二字于石

至今猶在

蜀都雜事

卷一

六

賽蘭香花小如金粟馥郁可愛戴之髮髻香聞十

步經月不散佛經所謂伊蘭也

托諾河在鎮雄軍民府裏語松曰托沙石曰諾以

此河畔有松樹沙石故名

灼灼錦城妓也善舞柘枝能歌水調御史裴質與

之善裴召還灼灼每遣人以輦絹聚紅泪爲寄

麗情集

蜀有王曰杜宇號曰望帝禪位于鵲靈號曰開明

氏升西山隱焉時適二月子鵲鳥鳴故蜀人悲

之聞子鵲鳴即曰聖帝也

李膺蜀志

杜鵑大如鵲而羽烏聲哀而吻有血春至則鳴

華陽

風俗錄

楊柳多寄生狀類冬青經冬不凋春夏之交作紫
花散落滿地冬月望之榮枯各異

火井在邛州治西八十里欲出其火先以家火投
之須臾焰出光照十里以竹筒盛接有光無灰
取以煮鹽一斛水可得五斗家火煮之則鹽少
滴乳泉在瀘州城西真如寺自崖中流出味甚甘

蜀郡雜事 卷一

管直經行大書此三字按山谷集中云瀘州大
雲寺西偏崖石上有泉滴瀝一州泉味皆不及
也余名曰滴乳泉

保寧府通江縣北南壩寺唐建也每歲端陽前後
有蛇自柱磔間出沿階滿室昔人傳云三萬四
千尾大小顏色非一種然不爲害按此即巴蛇

洞天

黃連以洪雅榮經者爲上大如指多刺內金紅色
土人束以貨之謂把連亦不多有他產謂之水

連色黃而細功遠不及把連矣

薛濤井舊名玉女津在東門外錦江南岸水極清
冽有碑鐫薛濤井三字今卧于井側蔓艸中

薛濤井久屬藩邸環以欄盾人不敢汲而備製箋
之用每歲以三月三日汲此井水造箋二十四
幅入貢一十六幅餘留藩郡所以餽送遠近縉
紳想皆他日倣作未必以三月三日爲期也然
市肆絕無買者公暇偶過之惟見堂室數楹而
已

金華

蜀郡雜事 卷一

八

元和之初薛濤好製小詩惜其幅大不欲長廣乃
狹小之蜀中才子亦以爲便後皆減小諸箋名
曰薛濤箋

舊志

益州舊貢薛濤十色箋短狹纔容八行

寰宇記

蜀箋十樣曰深紅淺紅杏紅明黃深青淺綠銅綠

淺雲又有松花金沙彩霞諸色十者舉成數耳

成都古今記

薛濤字洪度本良家子八歲即能詩曉音律其父
一日坐庭中指井梧曰庭除一古桐聳幹入雲

中濤卽應聲曰枝迎南北鳥葉送往來風後父
鄧因官寓蜀而卒母孀居濤及笄以詩聞外父
能描眉塗粉與士族不侔客有竊與之燕語者
時中令韋臯鎮蜀召令侍酒賦詩因入樂籍中
今議以校書郎奏請護軍曰不可遂止濤出入
幕府自臯至李德裕凡歷十一鎮皆以受知名
士元稹白居易輩酬唱頗多暮年著女冠服屏
居浣花溪有詩五百首胡僧贈以詩曰萬里樓
臺女較書琵琶花下閉門居掃眉才子知多少

蜀都事 卷一 九

領取春風總不如濤因連帥怒而遠之乃作十
離詩以獻謂大離主筆離手馬離廐鸚鵡離籠
燕離巢珠離掌魚離池鷹離架竹離亭鏡離臺
遂復喜焉

禹穴在石泉縣北石紐邨大禹生此石穴杳深人
跡不到掘地得古碑有禹穴二字

女狄汲石紐山下泉水中得月精如雞子愛而吞
之遂有娠乃生禹 帝王世紀

龍澄夔郡人也嘗于大溪水中見一石合採取之

獲玉印五文字非世間篆籀忽有神人詔之曰
玉印乃上帝所寶昔授禹治水水治復藏名山
大川今守護不謹耳可亟投原處澄如言後登
上第

萬里橋在成都府南門外以石爲之高三丈寬半
之長十餘丈架錦江上相傳以孔明送吳使張
溫曰此水至揚州萬里因以名橋或曰費禕聘
吳孔明送之曰萬里之行始于此矣其說雖殊
名橋之義則一

蜀都事 卷一 十

竹鼯大如貓灰黑色善食竹根烹食味極鮮美亦
可醃食其皮毛溫厚可製衣褥

春時每夜半有鳥鳴其聲曰點燈捉跔蚤歷歷分
明問之土人云昔有夫嬬爲蚤所咬起來點燈
時久雨被房倒壓死因化爲鳥飛必匹之亦可
異也

九折坂在雅州岷山卽王陽回車王尊叱馭處
樊道有牛叩頭坂馬搏頰坂其險如此 華陽國志

宋蘇實治平間爲新都令有異政嘗厭衛湖蛙鳴

令人取一大者以硃點之戒曰毋再喧囂已果
不鳴及湖中涸群蛙結聚成團啓視之則硃點
者居中群蛙若擁翼焉蘇令悉放之于江終其
任湖蛙無一鳴者湖在新繁縣蜀漢縣令衛常
所開在學宮後

戰國時蜀穴昏墊杜宇居于蜀不能治舉荆人鰲
靈治之水既平乃禪以位死皆葬于郫今郫縣
南一里許兩塚對峙若丘山杜宇墓人猶有知
者獨鰲靈墳隸淨林寺中今僧平其塚爲臺觀

蜀郡神事 卷一 十二

矣夫鰲靈之功不下于禹而誦明德不及焉蜀
人可謂負德矣然亦守土者之責也

黃連雞大如鴿羽色黃白食黃連葉以其無所用
故人不捕焉

蜀人奉二郎神甚虔謂之川主其像俊雅示黃服
旁立扈從擎鷹牽犬然不知爲何神詢之士人
莫有知者而什加縣治北四十里有章山乃大蓬
之闕也古有高景關卽雒縣廢址有神祠曰大
郎廟神夢中得古碑曰大安王神豈大安與大

郎字聲之訛耶抑因灌縣二郎之號而倣以稱
之也是皆不然謹按名宦志上古禹治洪水西
南經界未盡迨秦昭王時蜀刺史李冰行至渝
山見水爲民患乃作三石人以鎮江水五石牛
以壓海眼十石犀以壓海怪遣子二郎董治其
事因地勢而利導之先鑿離堆山以避沫水之
害三十六江以次而沛其流由是西南數十州
縣高者可種低者可耕蜀中沃野千里號爲陸
海一日循視水道至廣漢郡游石亭江而上故

蜀郡神事 卷一 十三

有馬潞河之名至後城山遇羽衣徐謂李公曰
公之德澤入于民也深矣公之名注天府久矣
上帝有命來遊遂昇天而去今祠嶺之西卽後
城治上應畢宿又有禮斗峯昇仙臺之名要非
浪傳也事聞當寧勅封昭應公至漢時加封大
安王以其大安蜀民故也元至順元年更封聖
德寬裕英惠王其子二郎神封爲英烈昭惠靈
顯仁佑王而平武縣玉虛觀有宋御製封二郎
神碑今見存可考世以爲姓張又爲天帝之甥

則流俗傳說也

灌縣離堆山卽李冰所鑿以導江處上有伏龍觀下有深潭傳聞二郎鑲孽龍于其中霜降後水落時見其鑲云每有神魚遊潭而僅露背鬣其大如牛投以石魚亦不驚人亦不取之誠異物也

簡州逍遙洞有漢篆十二字云漢光元年四月十八日會仙友旁書東海仙集留題乃古隸字

火米蜀皆有之以稻穀蒸熟然後舂以爲米卽南

蜀都事

卷一

三

中之蒸穀米也但蜀盛行之耳又有稻米作飯甚香食之令人脹曰香稻米

益州方物有海櫻有楠有檜有竹柏有紅豆有海芋有紫竹有慈竹有方竹有柑有赤鸚芋有綠葡萄有天師果有天仙果有隈支有錦被堆有錦帶花有石蟬花有長生艸有瑞艸有紅蕉花有重葉海棠有月季花有佛豆有添色拒霜花有黃酴醾有艾子有鴛鴦艸有虞美人艸有仙人稻有羞寒花有瑞聖花有七寶花有

旌節花有安羅花有木槿花有鸞毛玉鳳花有

蒟有眞珠菜有朝日蓮有蟬花有燭麻有水碗

黃有附子有石瓜有芎有大黃有餘甘子有金

星艸有桐花鳳有紅桐背有雀有護花鳥有

百舌有狝有花羊有獐有魴魚嘉魚鰐魚黑頭

魚沙魚石鱉魚有金蟲六十餘種

宋祁海櫻贊云櫻皆褫皮此獨自幹攢葉于顛

纔首披散秋華而實其值則罕

按似櫻然不皮而幹葉叢于杪至秋乃實似

蜀都事

卷一

古

練子杜工部有左綿海櫻行

楠贊云在土所宜亭擢而上枝枝相避葉葉相

讓繁陰可席美幹斯仰

檀贊云厥植易安數歲輒林民賴其用實代其

薪不棟不櫟亦被斧斤

竹柏贊云葉與竹類綴理如柏以狀得名亭亭

修直

按竹柏生峨眉山中葉繁長而澤似竹然其

幹類柏而亭直